

INUIT ATAQTIGIIT

Inatsisartuni



30-05-2018

Inatsisartut suleriaasianni § 37 naapertorlugu Naalakkersuisunut apeqquteqaatit imaattut ingerlatippakka.

- 1. Siunissami mittarfiliortiterneq aningaasarpassuarnik malitseqartussaq aningaasarsiornikkut annertuumik sunniuteqartussaq Aningaasaqarnermut Naalakkersuisup isumaqarfigaa nunaqarfinnut aamma illoqarfinnut minnernut aningaasarsiornikkut iluaqutaassasoq?**
- 2. Illoqarfinni nunaqarfinnilu mittarfiit pioreersut aningaasarsiornikkut inuussutissarsiornikkullu inoqarfiit aningaasanik kaaviiartitsinerat innarlerneqassanngippat Aningaasaqarnermut Naalakkersuisup iliuitsit qanoq ittut aallartilersaarpai?**
- 3. Aningaasaqarnermut Naalakkersuisup apeqqutigaara, mittarfinnik nutaanik sanaartorerup malitsigisaannik angallattut marloriaammik amerlinissaannik ilimasunneq eqquutinngitsoorluni angallattut ullumikkutut amerlassuseqaannassappata, tassa 70.000-it missaanniiginnassappata aningaasartuutaanerusussat qanoq annertutigissappat? Inuiaqatigiit aningaasatigut qanoq eqqorneqassappat?**
- 4. Aningaasaqarnermut Naalakkersuisoqarfiup qulaajarsimanerpaa Narsarsuarmi kangerlussuarmilu inuit aningaasarsiorfippassui atorunnaarsinneqartussat aningaasarsiornikkut illersorsinnaajumalluni nutaanik taartissaqanngippata qanoq aningaasaqarnikkut sunniuteqassanersut?**

(Inatsisartunut ilaasortaq Aqqaluaq B. Egede, Inuit Ataqatigiit)

Tungavilersuut:

Apeqquteqaatit sammisakka naalakkersuinikkut qanoq akissutissaqarfigineqarnerat suliap sammineqarneranut aamma naalakkersuinikkut sulerisoqarsimaneranik takussutissaqalernissamut ujartuinerupput. Aningaasarpassuit apeqqummi pineqarput. Mianersorfissat annertuut qulaajaaqqissaarsimanissarlu assut pingaaruteqarpoq.

Taamaattumik suliamik samminninnissatta aallartivinnginnerani apeqqutit taamaattut Aningaasaqarnermut Naalakkersuisoqarfimmuut ingerlatippakka Inatsisartuni sulinissanni akissutit pisariaqartitakka pissarsiarerusullugit. Kissaatigaara apeqqutit ullut qulit qaangiutsinnagit akineqarnissaat.